




3702  
18


Boissard

1593

\$1225













ΑΡΕΤΗΣ  
ΣΚΙΑ  
ΦΘΟΝΟΣ.

ΠΑΣΙΝ ΕΥΦΡΟΝΟΥΣΙ  
ΣΥΜ-ΜΑΧΕΙ ΤΥΧΗ.


IANI IACOBI  
BOISSARDI  
VESVNTINI  
Emblematum  
liber.

*Ipsa Emblemata ab Auctore  
delineata: a Theodoro de Bry  
sculpta, et nunc recens  
in lucem edita.*

*Francofurti ad Moenum.  
MD IX XCIII.*



ΚΑΛΩΣ ΑΚΟΥΕΙΝ ΜΑΛΛΟΝ Η ΠΛΟΥΤΕΙΝ ΘΕΛΕ.





A ILLVSTRE ET  
VERTVEVSE DAME CA-  
THERINE DE HEV, FEMME

ET ESPOVSE DE HAVT ET PVIS-

*sant Seigneur Messire Claude Antoine de Vienne,  
Chevalier, Baron de Cleruant, Copet, &c.*


Ian Iacques Boissard.

**M**ADAME, d'autant que je me suis apperceu par plusieurs fois, que, cōme estes addonnee à la speculation des choses qui appartiennent à l'instruction de l'ame, avez prins plaisir à la lecture d'un petit livret d'Emblemes que je mis en lumiere il y a environ quatre ans. l'ay estimé estre de mon devoir (pour l'obligation que j'ay à vostre maison, à cause de tant de biens & honneurs que i'en ay receu & en reçoij journellement) d'en recueillir un autre volume, les pourrais desquels i'ay interpreté par diverses sentenes, appropriées à la matiere de laquelle traittent lesdits Emblemes, extraictes de divers auteurs Philosophes & Poëtes. Ce que je vous dedie, comme à celle à qui toutes mes études se doivent rapporter: m'estimant en cela estre bien honoré, quand il vous plaira de recevoir ce petit œuvre pour agreable, avec tout ce qui peut proceder d'un bon cœur de celuy qui desire demeurer à perpetuité.

*Vostre tres humble & tres ob-*  
*beissant serviteur.*

A ij

BIBLIOTHEQUE



# A ELLE MESME SONNET.

MADAME, ie vous offre espars en ce volume  
(Comme i'en suis tenu) ces Emblemes diuers.  
I'y louange les bons, I'y blasme les pervers,  
I'y blasonne la bonne & maligne coustume.

Cen'est pas que pourtant arrogant je presume  
Acquerir quelque bruit de grand par l'univers.  
Ainçois i'employe ainsi, pour rendre descouuers  
Voz merites á tous, mon compas & ma plume.

I'ay façonné ces traicts sur tant de beaux discours,  
Dont vous endoctrinez les vostres tous les Iours,  
Modelant leur bell'ame au patron de vous mesme.

Mais si i'eusse eu pouuoir de tracer au burin  
Le pourtrait imité de vostre esprit diuin,  
Madame, i'eusse peinct, pour tout, ce seul Embleme.

PAVLI



PAULI MELISSI FRANCI,  
COMITIS PALATINI, EQVITIS  
TORQVATI, ET CIVIS RO-  
mani, in Emblemata Iani Ia-  
cobi Boissardi.

**B**OISSARDI nitidissimas in aedes  
Sese transtulerant nouem sororum  
Frater, Cecropidumq, Diua Pallas,  
Visum vermiculata multiformi  
Arte Emblemata, quateres rotundo  
Composuerat is labore nuper;  
Matrona CLEREVANTIAE dicanda,  
Electa Charitum trium parenti.

Ut adfabilis, vt Poeta comis  
Est; humaniter ac pie Deumq,  
Et Deam hospitio, accipit benigno.  
Mirantur decus ac typos venustos:  
His dies, aliisq, peruidendis,  
Vna haud sufficit, Hesperoq, sero  
Pernoctant Lare sub silente Vatis.  
Cæna apponitur. Haud Iouis vocares  
Nectare ambrosiaq, viliolem.  
Suauit tempora balsamo rigantur.  
Somnum nox ubi debitum peposcit,  
Vnum ambos penetral capit; toroq,  
Vno iungit Apollinem & Minervam  
Boissardus, iuuenes Deos maritans.

O quam coniugium hoc sit auspdatum!  
O quam connubium audit hoc beatum!



Petri Lepidi Metensis in Boissardi effigiem à Theodoro de Bry sculptam.

**C**ovs Alexandrum si nobilitavit Apelles,  
 Dum pinxit docta Principis ora manu:  
 Iane, tuum illustrat Theodori industria vultum,  
 Qui tanto heic pictus cernitur artifice.


PHILIP.



# PHILIPPA LA-

ZÆA POLANA IL-

lyrica, in eandem  
effigiem.

 *EM! quid aspicio? labella cuius hæc?  
Tincta Cecropio labella melle.  
Cuius sunt oculi lepore pleni?*

*Hæc spirantia cuius ora? nonne  
Picta est hæc facies mei sodalis  
Boissardi? facilis Camæna cuius  
Manum instruxit, Apollinisq; doctam  
Indulpsit citharam. Hercle, Ianus iste est,  
Natus Sequanica Vefuntione.  
Vivis, Iane, igitur; tuosq; vultus  
Expressos tabulis Theoderici  
Totus nouerit orbis. At Pol illos  
Terfis carminibus tuæ Thaleiæ  
A morte interituq; vindicasti.*

AD LE-

AD LECTOREM  
BOISSARDVS.

**P**RAVOS, candide Lector, dum libello hoc  
Mores improbo, laudibusq; sanctam  
Virtutem eueho, tu meum institutum  
Prosequere tuo fauore, opinor:  
Et dabis veniam, seueriore  
Si qua iudicio notem: necesse est  
Candenti refecare saepe ferro  
Membrum putre, medela quod nequibat  
Sanare. Hoc puto nemini futurum est  
Molestum. In genere omnia exarui,  
Parcens nominibus. Mouere bilem  
Nulli sum solitus volens sciensve.  
At qui conscius heic suam fricari  
Austera scabiem manu aestimabit,  
In me frendeat; hoc licebit illi.  
Mibi sat fuerit bonis placere.

EMBLE.



# EMBLEMATVM IN- DEX, ET ORDO.

---

*Francisco à Vienna Baroni Clereuantii.*

- 1 Educatio prima bona sit.
- 

*Gedeoni à Vienna Baroni Copetii.*

- 2 Virtutis tinctura pudor.
- 

*Nicolea à Vienna.*

- 3 Virginis ornatus pudicitia & simplicitas.
- 

*Loidi à Vienna.*

- 4 Nec nihil nec quidlibet.
- 

*Maria à Vienna.*

- 5 Libertas vera est suis affectibus non seruire.
- 

*Claudio Antonio à Vienna Baroni Clereuantii, Copetii, &c.*

- 6 Domat omnia virtus.
- 

*Catharina Henia.*

- 7 Præmium virtutis honos.
- 

*Ioanni Comiti Ringraui.*

- 8 Fama virtutis stimulus.
- 

*Ioanni Casimiro Comiti Ringraui.*

- 9 Vita virtutis experts morte peior.
- 

*Othoni Comiti Ringraui.*

- 10 ΟΥΤ' ΑΡΕΤΗ ΑΤΕΡ ΟΛΒΟΥ ΕΠΙΣΤΑ.
-

# INDEX.

---

*Paulo Melisso, Comiti Palatino, Cui Romano.*

- 11 Historiâ virtus fit splendidior.
- 

*Petro Gnalterio Chabbotio Pictauro.*

- 12 Consolatio viuis vita mortuis.
- 

*Petro Lepido Metensi.*

- 13 Nemo fortis nisi & iustus.
- 

*Iacobo Santalbino Trecensi, Medico.*

- 14 ΑΡΕΤΗΣ ΣΚΙΑ ΦΘΟΝΟΣ.
- 

*Odoardo Bizeto Charleo, Trecensi.*

- 15 Omne bonum opus inuidiam sentit.
- 

*Ioanni Posthio, Archiatro Palatino.*

- 16 Antiqua nouis semper præfert liuor.
- 

*Abrahamo Ortelio, Cosmographo.*

- 17 Virtus inuidia fit excitatior.
- 

*Dionysio Lebæo Bathillio Tricassino, I. C.*

- 18 Virtus pressa valentior.
- 

*Ioanni Durantio, I. C.*

- 19 Vir bonus inuidiæ securus.
- 

*Domitio Faino Veronensi.*

- 20 Liuor tabificum malis venenum.
- 

*Friderico Sylburgio.*

- 21 Prudenter tempore & loco.
- 

Francisco



# I N D E X.

---

*Francisco Loyfio, Medico.*

22 Sat citò ſi ſa' benè.

---

*Rutilio Saraueſe, I. C.*

23 Euentus ſtultorum magiſter.

---

*Iacobo Paſchario, Medico.*

24 Studio & vigilantia.

---

*Ioanni Lobbetio, I. C.*

25 Labor omnia vincit.

---

*Ioanni Poſthio, Archiatro Palatino.*

26 Pace vigent artes.

---

*Lentulo ventidio Nucerino, I. C.*

27 Inuitum qui ſeruat, idem facit occidenti.

---

*Ioanni Laſicio Polono, I. C.*

28 Vir malus alieno damno ſuam rem facit.

---

*Lelio Cleopafſo Hydruntino.*

29 Malum conſilium conſultori peſſimum.

---

*Veturio Leontio Hydruntino.*

30 Læſa patientia fit furor.

---

*Iacobo Paſchario, Medico.*

31 Dulce vitæ condimentum amicitia.

---

*Ludouico Malarmæo Veſuntino, I. C.*

32 Amicorum omnia communia.

---

# I N D E X.

---

*Stephano Saugeto Vesuntino.*  
33 Ingratitudine languet amicitia.

---

*Francisco Sarrao Nanceiano, I. C.*  
34 ΧΑΡΙΣ ΑΧΑΡΙΣ.

---

*Petro Fridero Mindano, I. C.*  
35 Prætextu nocentior.

---

*Pomponio Ricio Neapolitano.*  
36 Amor tectus ardentior.

---

*Linio Algerio Nolano.*  
37 Voluptatis vsuræ morbi.

---

*Basilio Charonda Albano.*  
38 Delectat & angit.

---

*Philippæ Lazæ Polanæ.*  
39 Vbi voluptas imperat, illinc extruditur virtus.

---

*Prospero Ventidio Nucertino.*  
40 Ebrius insano est similis.

---

*Nicolao Houllonio Metensi.*  
41 Grande vectigal Parsimonia.

---

*Ioanni Aubrio Trecensi.*  
42 Paupertas lepræ species.

---

*Petro Lepido Metensi.*  
43 Bonorum probum est, virum probum indigere.

---

*Paulo*



# I N D E X.

---

*Paulo Melisso, Comiti Palatino.*

44 Vita aulica, splendida miseria.

---

*Fabio Tania Salernitano.*

45 Metus est plena tyrannis.

---

*Dionysio Lebao Bathillio.*

46 Nulli praestat velox fortuna fidem.

---

*Rudolpho Magistro Medico.*

47 Expers fortunæ est sapientia.

---

*Georgio Bertino Medico.*

48 Mens inconcussa malis.

---

*Friderico Sylburgio.*

49 Spes certissima cælo.

---

*Petro Gualterio Chabbotio.*

50 Mors extra periculum nos collocat.

---

*Iacobo Santalbino Medico.*

51 Virtus est funeris expers.

---


## ERRATA SIC CORRIGITO.

*Pag. 3 tit. Francisco. 13. tit. tii. 20. versu 6. truditur. 20. stimulis. 24, 16. infel. 25. tit. Gualterio. 4. etenim, dele comma. 40, 8. iactitat? 44, 17. pœnitentia. 46, 22. Rutilio. 47. tit. Rutilio. 1. decuit. 51, 1. aut non. 56, 16. credulitate. 66, 16. quo beme me. 71. tit. Petro Fridero. 72, 12. excors im. 76, 19. quarenda. 88, 4. potentiorum. 13. maturuerint. 102, 14. preciosiorem. 103, 1. Fortuna. 3. sollerte.*

O B I O Σ










Ο ΒΙΟΣ ΤΡΟΧΟΣ ΑΣΤΑΤΟΣ Ο ΔΕΟΣ



ΩΣ ΤΕΘΗΗΖΟΜΕΝΟΣ ΤΩΝ ΣΩΝ ΑΓΑΘΩΝ ΑΠΟΛΑΥΕ:  
ΩΣ ΔΕ ΒΙΩΣΟΜΕΝΟΣ ΦΕΙΔΕΟ ΤΩΝ ΚΤΕΑΝΩΝ,  
ΕΣΤΙ Δ' ΑΝΗΡ ΣΟΦΟΣ ΟΥΤΟΣ, ΟΣ ΑΜΦΩ ΤΑΥΤΑ ΝΟΗΣΑΣ,  
ΦΕΙΔΟΙ ΚΑΙ ΔΑΠΑΝΗ ΜΕΤΡΟΝ ΕΦΗΡΜΟΣΑΤΟ. &c

C EDVCA-



## EDVCATIO PRIMA BONA SIT.

DEVS optimus maximus conditor & conservator mundi huius, hominem creavit ad imaginem sui, vt ab eo cognosceretur & coleretur. At is per peccatum lapsus, à prima, in qua conditus erat, gratia excidit: illiusque ruina magna Dei misericordia per Iesum Christum generis humani servatorem restaurata est. Nascimur servi peccati, & per Baptismum, vera & viua fide Christum amplectantes, libertati asserimur. Necesse est igitur à primis cunabulis parvulorum ingenia formare, vt statim edoceantur quales sint. Educatio est secunda natura. Quamvis inveniuntur plurimi, qui parvo cum profectu instituantur à præceptoribus alioquin idoneis, tam depravata est in nobis ratio. Adamas & gemmæ meliores poliuntur, pumex & tophus nulla arte vindicantur à sua ruditate & asperitate. Prima tamen pueri institutio multum ponderis & momenti habet in se. Fieri enim non potest, vt non afficiatur voce docentis. Quod si profectus non respondet diligentia magistri, verisimile est, sine doctrina illum duplo deteriorem futurum. Dum igitur pueritia institutionem potest admittere, nulli parcere labori debent parentes, nullis sumptibus, vt eorum liberi doctrina sapientum excolantur, & ad studium virtutis adducantur. imitati rusticorum industriam, qui arbores tenellas regunt, & plicant pro ut expedit. Quo semel est imbuta recens servabit odorem testa diu.

Francisco

I.



Franisco à Vienna Baroni Clerevantij.

EDVCATIO PRIMA BONA SIT.



**V**tile virtuti est annos assuescere primos,  
 Et tenerum sanctis moribus ingenium.  
 Frangitur incurvanda arbor: virgulta plicantur:  
 Testaque, quo imbuta est, fragrat odore diu.

C 2

VIR-





## VIRTVTIS TINCTVRA PVDOR.

**I**ngenia puerorum ad virtutem formanda, debent statim à principio modestiæ assuefieri, & deterreri ab omni labe vitiōrū. Propterea Præceptores diligentes debent in eo incumbere, vt tenellam istam ætatem ad pietatis studium, & cultum divinæ maiestatis adducant: singulis momentis inculcantes, Deo maximè placere, si pueri sese ab omni peccatorum forde impollutos seruent. Quos si male aliquid egisse, vel audivisse pudeat, decens ille rubor, qui Iuventutis enascitur genis, virtutis est tinctura, & fucus peculiaris. Custos virtutū omnium dedecus fugiens, & laudem maximam consequens verecundia est. Sine qua nihil rectum esse potest, nihil honestum. Propterea illi ætati conceduntur plurima liberius, ita tamen, vt cū relaxare animos velint iuvenes, & dare se iucunditati, caveant intemperantiam, meminerint verecundiæ. Ludendi enim est quidam modus retinendus, vt ne nimis ab officio recedant, elatiq; voluptate, in aliquam turpitudinem dilabantur: Exempla domestica multū proderunt: Compositi sint parentum mores ad omnem modestiam, pietatem, & virtutem: nihil est quod magis moveat liberos, quàm parentum vita. Quòd exemplo illorum fit, id iure fieri putant. Exemplo quodcunque malo committitur: Plerunque enim contingit, vt si malè morati sint adolecentes, id primæ ætatis formatoribus meritò imputetur.

Gedeoni

## II.



Gedeoni à vienna baroni Copetij.

VIRTUTIS TINCTVRA PVDOR.



**V**irtutis tinctura pudor, probat indole recta  
 Esse hominem, & castum denotat ingenium.  
 A vitis teneram aetatem deterret, et in se  
 Calcar habet, doceat quod meliora sequi.

C 3

VIRGI.

## III.



VIRGINIS ORNATVS PVDICITIA  
& simplicitas

**D**Otem splendidam & locupletem filix præparant parentes, quam bonis moribus, pietate, & modestia cultam esse volunt. Pudicitia & simplicitas prima pars est, & præcipua mundi muliebris. Gemmæ, texta serica, aurum, argentû, & reliqua huius generis ornamenta, lenocinia magis sunt voluptatum, quàm ornamenta virginum. Vestium luxus arguit animum parum sobrium, & intuentium oculos ad libidinem sollicitat citiùs, quàm ad honestam opinionem. Nullo cultu meliùs ornantur virgines, quàm simplici. Virtus primum locum occupans in animis virginum, admittet securè cultus necessario, reiiciet indignos, & superfluos. Splendidiorem tamen ornatum admittet vna quæque pro sua conditione & statu, quo uti poterit, non abuti. Æquum enim est vt Principum liberi, & nobilium, quos Deus ad Politix gubernacula legitimè vocavit, à reliqua plebe differant cultu corporis: Facit ornatus plurimùm ad reuerentiam, quam magistratui bono debèt homines, contemptus pannosum comitatur. Differant igitur optimates à reliquo vulgo splendore vestium, pro vniuscuiusque conditione & statu. Modus est optimus, decus ipsum tenere, nec progredi longius. Mediocritas in omnibus necessaria est, & ad omnem vsum cultumq;  
vitæ referenda.

Nicolæ



## III.



Nicoleæ à Vienna.

VIRGINIS ORNATVS PVDICITIA ET SIMPLICITAS.



S At dotata venit qua casta est corpore virgo:  
 Inque verecundo cui sedet ore pudor.  
 Cui nec picta auro vestis, nec murice tincta;  
 Sed cultus simplex, & nitor arte carens.

C 4 T. NEC

## IIII.



## NEC NIHIL NEC QUIDLIBET.

**I**nterrogatus aliquando Philosophus quam Rempublicam existimaret meliorem, respondit eam esse, in qua pietas, & religionis cultus sanctissimè observaretur: legesque ita essent constitutæ, vt severitatem clementia moderaretur, & leniret: eamque esse quam Aristocratiam vocant: in qua civitas regitur sapientiorum & meliorum consilio & imperio. Quam autem pessimam diceret. Respondit tyrannidem: quæ vnus solius, ac malè instituti plerumque hominis arbitrio ducitur, cuiusq; conniventia & malo exemplo corrumpuntur civium mores, & per omnem licentiam debacchati impunè quidlibet patrant. Hac ratione arguit moderatione omnia gerenda esse. Nam vt summum ius summa iniuria est: vbi nimia Principis severitas, ibi quoque parùm amoris in subditis. vbi amor, ibi fides. Ita etiam accidit, vt vbi nimia licentia permittitur, ibi quoque genus omne vitiorum pullulet, & nascatur. Quapropter ita legum veneranda maiestas, & severitas servanda est, vt singula peccata pro temporum, locorum, & personarum circumstantiis, admissorumque qualitate corrigantur: societatisque humana vincula retineantur in integrum: neque delinquentium ratio veniæ desperatione subvertatur; hypo-  
crisisque vitiorum omnium mater  
foveatur.

LIBER-

IIII.



Loidi à Vienna.

NEC NIHIL NEC QUIDLIBET



**Q**ua nihil ignoscunt leges dic esse severas;  
 Et qua permittunt quidlibet, esse malas.  
 Sic par est rerum iustas moderentur habenas,  
 Ne quidvis populo sit, licitumve nihil.

D

LIBER-



## V.




LIBERTAS VERA EST AFFECTIBVS  
suis non servire.

**N**emo est tam simplex aut rudis, qui servitutem non æstimet esse magnum malum; quique libertatem non præferat magnis vitæ commoditatibus. Quod ad servitutis nomen attinet, omnes in eo consentiunt, ingenuo viro esse intolerabilem: sed servitutis genuinam significationem pauci considerant. Nam multi corpore servi sunt, qui suis dominis liberioribus judicari debent, qui propter bonorum affluentiam, supremamque in servos potestatem, tanta autoritate abusi, effrænes per omnem licentiam sese dant præcipites, patiunturque; se trahi per omne passionum & affectuum inordinatorum genus, superbiæ, luxui, iræ odiis, voluptatibus, & eiusmodi monstros serviliter subjecti, ut suorum vitiorum mancipia verè dici possint: Multi sunt qui etiam si bonæ præditi sint anima, & bonis moribus optimè eruditi, præstigiis aulicis ita se fascinari permittunt, & deliciis mancipari, ut magnatum vanitati inserviant, & applaudant ita, ut ne horulam suæ quieti liberam relinquât. Quicumque illam auream mediocritatem diligens, prudenter suos affectus librat, & ad amissim regit, & cor suum ab omni excessu repurgat, ratione studioque moderatur animi passiones, is vera libertate frui dicendus est.

Marix

V.



Maria à Vienna.

LIBERTAS VERA EST AFFECTIBVS NON SERVIRE.



**A**ffectus quicunque suos sic vincit, ut illos  
Temperet, & studio vel ratione domet,  
Iure potest liber dici, nullumque subire  
Servitium, & vera nobilitate frui.

D 2

DOMAT



## DOMAT OMNIA VIRTUS.

**Q** Vicquid videmus, æstimamus, & admiramur, in hoc orbe terrarum, caducum est, & corruptioni subiectum. Imperia, regna, principatus, dignitates, divitiæ, vires, pulchritudo, & cætera ejusmodi tempore florent, & tempore effluunt, & pereunt. Nihil est homini relictum perpetuum. Ita voluit providentia Divina, ut nos à terrenis abstractos, ad cœlestium contemplationem perduceret. Domat omnia virtus. Nihil tam solidum, nihil tam firmum, quod à virtute sejunctum non labet, & sua mole ruat. Sola virtus semper sui similis, & nulli injuriæ succumbit: æternitatis filia, gloriâ pedissequam ducens, sicut umbram corpus. Ea sola nobilitat, ditat, fortificat, illustrat & ornat suum sectatorem: non ad horam, diem, vel annum, sed ad posteritatem illius honestam produciens memoriam; famam dilatat, & gloriam stabilit perpetuam, imo donat immortalitate. Quæcunque autem extra virtutem acquiruntur, ea bullæ instar aquosæ tumescunt, momento temporis durant; & subito evanescunt, inque nihilum rediguntur. Virtus enim est affectio animi constans, conveniensque, laudabiles efficiens eos, in quibus est: & ipsa est per se sua sponte, separata tamen utilitate, laudabilis: ex ea proficiuntur honestæ voluntates, sententiæ, consilia, omnisque recta actio.

Claudio



## VI.



Claudio Antonio à Vienna Baroni Clercvan-  
tis Copetii, &c.


DOMAT OMNIA VIRTVS .



**N**il iuvat iniustus quaesita potentia bellis:  
Nil genus, aut cauta fraude paratus honos.  
Tempore vaneſcunt ſubito hac: domat omnia virtus,  
Et pulchra mentis nobile conſilium.

D 3

PRÆ




## PRÆMIUM VIRTUTIS HONOS.

Virtutem necessariò gloria sequitur. Nihil est ea pulchrius, nihil amabilius; suscepit vita, consuetudoque communis, ut virtute excellentes viros in cœlum fama ac voluntate tollamus: & quæ per virtutem magno animo & elato, fortiter & excellenter gesta sunt, ea nescio quo modo quasi pleno ore laudamus. Quis est qui non admiretur splendorem pulchritudinemque virtutis? Vera laus veræ virtuti debetur. Bonus vir propriè & copiosè laudari sine virtutum cognitione non potest. Eos quorû vita perspecta est in rebus honestis & magnis, & benè de republica meritos, observare & colere solemus. Digna est ipsa virtus gloriatione; tantumque præstat cæteris rebus, ut dici vix possit quid intersit. Altissimum enim locum in homine, & maximè excellentem tenet: tantoque in dominatu locatur, ut omnia prima naturæ hujus tutelæ subjiciantur. In ea satis præsidii est ad benè vivendum, satis etiam ad beatè; satis ut fortiter vivamus, etiâ ut magno animo, & quidē ut nullareegeamus, semperque simus invicti. Sequitur ut nihil pœniteat, nihil desit, nihil obstet. Ea nec eripi, nec surripi potest: naufragio neque incendio amittitur, neque temporum permutatione mutatur: nulla vi labe factari potest, nec loco dimoveri.

Catharinæ

VII.



Catharinae Hevir. Claudii Ant. à Vienna conjug.

PRÆMIUM VIRTUTIS HONOS.




**L**audatos quoties sapiens admittit honores,  
 Præmia virtuti debita jure petit.  
 Nutrit honos artes; & virtus crescit honore:  
 Laudibus & dignum sit sine honore nihil.

D 4

FAMA



## VIII.



## FAMA VIRTUTIS STIMVLVS.

**B**ona fama divitiis ingentibus longè est præstantior. Nō est res ulla tanti, aut commodum ullum ita expetendum, ut viri boni splendorem & famam amittas. Negligere quid de se quisque sentiat, non solū arrogantis est, sed etiam omnino dissoluti: Est hominis ingenui, & liberaliter educati, velle benè audire à parentibus, à propinquis, à bonis etiam viris; & futuræ post mortem famæ, etiam detracto vsu, consulendum est: danda est diligenter opera, vt hominum aures optimo de nobis sermone compleantur. Bona existimatio pecuniis præstat, antiquiorque fit possessionibus gloria. Iactura rei facile sarciri potest, fama contaminata vix unquam diluitur. Eximiam virtutē honesta fama ultro comitatur: ac generosis animis amor laudum veluti stimulus ad præclara facinora innatus est. Sequitur fama fugientem, & ob id ipsam avidius expetitur ab iis, qui virtutē colunt: quæ non rapitur ut præda, sed tanquam præmium virtuti debitum. Hanc quisquis per contemptum negligit, aut rejicit, is quoq; segniter, & cum fastidio virtutem sequi se arguit. Non solū enim  
honos alit artes, verum & vir-  
tutem.

Ioanni

VIII.



Ioanni Comiti Ringravio,

FAMA VIRTUTIS STIMVLVS.



**V**irtutem stimulis urgendo fama superstes  
 Excitat, atque alacres reddit ad arma manus.  
 Et qui omnem tetrico vultu fastidit honorem,  
 Is quoque virtutem segnius insequitur.

E

VITA

## IX.



VITA VIRTUTIS EXPERS MOR-  
te peior.

**N**atura dedit omnibus hominibus sine discrimine vivendi beneficium, sed benè vivendi munus, sola virtus largitur. Vita non solum bonis, verum etiam malis communis est. Quæ verè vita dici debet, soli virtutis sectatori à Deo Patre lumen conceditur. Vita virtutis expers vita non est, imo ipsa morte peior debet æstimari. Qui virtute præditi sunt, ii immortalitatē assequuntur: Nulla nobilitas constare potest sine virtute: imo sine ea, vita non potest dici vita. Qui nihil aliud habet, quàm majorum stemmata & imagines, opinione nobilis est verius, quàm re. At qui virtute præditus est, unde manat omnis gloriæ splendor, germanam ac nativam habet nobilitatem. Nobilitas sola est atque vnica virtus. Cumque illius laus omnis in actione consistat; verbis non spectabitur, sed re ipsa: Virtutis hoc est proprium, æqualem ac parem verbis vitam agere; atque ita vivere, vt omnis oratio moribus cōsonet: Stultè præcipit aliis honestam vitæ rationem, qui quæ aliis præcipit verbis, ab iis ipsa re, & operibus alienum se probat. Vna enim actio virum bonum non indicat, Sed per totam vitam constans, sui que semper similis virtus.

Ioanni



IX.



Ioanni Casimiro Comiti Ringravio.

VITA VIRTUTIS EXPERS MORTE PEIOR.



**V**ivere dat Natura homini, bene vivere virtus:  
 Id commune malis, hoc solet esse bonis.  
 Expertem virtutis agunt mala plurima vitam:  
 Languet, & assidua condita morte jacet.

E 2

OYT.

## X.



## ΟΥΤ' ΑΡΕΤΗ ΑΤΕΡ ΟΛΒΟΥ ΕΠΙΣΤΑ:

ETiam si virtutis splendor, suos non aliunde, quàm à seipsa radios acquirat, certum tamen est languere virtutem sub paupere tecto: virumque licet benè natum & institutū, si paupertate prematur, facilè degenerare, & quasi paulatim prolabi in viam vitiorum: ad quam inducitur, & quasi humeris protenditur indigentia, quæ illum apud omnes reddit inglorium & ridiculū, illius verbis auctoritatem adimit & persuasionem; famam imminuit, & contemptum efficit. Quod seculi corrupti contingit injuria; in quo primum locum obtinent divitiæ. Hæ solæ virum bonum faciunt, etiam si vitiis omnibus contaminatus sit. Dives quicumque est, statim pius, bonus, nobilis, illustris & gratus omnibus judicabitur. Opes hodie cælos aperiunt, inferos claudunt, stultis auctoritatem, prophanis honorem conciliant: expugnant urbes, leges corrumpunt, pudicitiam ac fidem prostituunt. Nemo bonus est nisi qui bonis abundat. Multa ingenia candida, integra, & erudita, sive literarum studiis; sive rei militaris peritia, possent quasi alis ad sidera deferri, sed eorum promptitudo compedibus paupertatis in pulvere coercetur; à quibus moveri, aut sese expedire non possunt, nisi stimulus indigentiae pungantur.

Othoni

X.



Othoni Comiti Ringravio.

ΟΥΤ ΑΡΕΤΗ ΑΤΕΡ ΟΛΒΟΥ ΕΠΙΣΤΑ . .



**H** Aud facile emergant qui paupertate premuntur:  
Quos retinet, tanquam compede, tetra fames.  
Immodicis opibus virtus non gaudet: at illa  
Degeneri sordet subruta pauperie.

E 3

HISTO-



## XI.

HISTORIA VIRTVS FIT SPLEN-  
didior.

**V**T clipeus ex lucido politoque chalibe conflatus, si radiis exponatur solaribus, suum duplicat splendorem, quem longè lateque in circunjacētia loca diffundit: haud secus contingit viro virtutibus, ac rebus egregiè gestis illustri: cujus nomen per se satis clarum, si luci committatur historiæ, acquirit duplices radios, quos undiquè diffusos historica eloquentia transmittit ad posteritatem. Multum est hominem dotatum esse à Deo immortali pietate, justitia, magnanimitate, temperantia, prudentia, aliisque virtutibus quæ magnos reddunt viros, eosque Deo similes efficiunt. Qualitates tamen hæ multo redduntur commendatiores, dum sortiuntur historiographum, tantis dotibus describendis idoneum. Possunt enim fulgetris & tonitruis cœli comparari, quæ certis audiuntur videnturq; momentis, subitò tamē evanescent, nullo in nubibus sui relicto indicio, quo probentur aliquando effulsisse. Benè consultum à Diis immortalibus fuisse Achilli dicebat Alexander Macedo, qui Homerum præconem suarū virtutum nactus esset. Difficilimum est partam retinere fortunam, ne mutetur. Nec minor est virtus quàm quærere, parta tueri.

Paulo

XI.



Paulo Melisso Com. Palat. Civi Roman.

HISTORIA VIRTVS FIT SPLENDIDIOR.




**E**gregius frustra virtus se bellica gestu  
Inflit, & ad laudes niritur ire suas.  
Nè scriptis vulgata ejus sit fama per orbem,  
Et fiat radis clarior historia.

E 4

CONSO

## XII.



CONSOLATIO VIVIS, VITA  
mortuis.

**Q**uantas laudes mereatur bonarum scientiarum cognitio, verbis exprimi non potest. Iuvenum enim studia agunt, senectutē oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur: Quos si ipsi neque attingere, neque sensu nostro gustare possumus, tamen eas mirari debemus cum in aliis videamus. Nullus enim civis egregius fieri potest, qui non sit in bonis disciplinis eruditus. Multi cum in potestate essent hostium ac tyrannorum, multi eum in custodia, multi in exilio, dolorem suum doctrinæ studio levarunt. Quis in eo summè elaborandum non arbitretur, ut quo uno homines bestiis præstent, in hoc hominibus ipsis antecellat? Doctrina mores esse non finit feros. Mortalibus doctrina honori est omnibus. Vir literatus duplo acutiùs videt. Sapiens suas ubiq; circumfert opes. Preciosior enim ipsis opibus est sapientia. Portus infelicitatis doctrina est mortalibus. Vita hominis sine literis mors est, & hominis sepultura: Opes & cætera vitæ hujus commoda, collatione facta cum doctrina, nihil sunt. His literati quantum necessitas requirit videntur. Sed scientiarum thesauros accumulunt. certissimum in rebus prosperis ornamentum, in adversis præsidium:

Et ex quibus fama immortalis, vitæque à  
funere propagari vide-  
tur.

Petro




XII.



Petro Gualtero Chabbotio Pictavo.

CONSOLATIO VIVIS, VITA MORTUIS.



**P**Rater mille homini quæ portant commoda Musa,  
Solamen vitæ, præsidiumque gerunt.  
Et tollunt nigro servatam à funere famam,  
Docto etiam invita vivere, morte datur.

F

NEMO

## XIII.




## NEMO FORTIS NISI ET IVSTVS.

**F**ortitudo & magnanimitas virtutes sunt verè regiæ; neque cadere possunt, nisi in animam generosam. Majestas dignitasque regia non vestium splendore, sed prudentia ac fortitudine paranda est. Illi fortes non sunt, qui quovis modo vitam contemnunt, sed qui tanti faciunt virtutem, ut hujus gratia vitam alioqui charam negligant. Fortium virorum est suis affectibus repugnare, justitiam colere, & fortunæ procellas impavido animo perferre. Animus fortis cupiditatum tumultus ratione cōpescit. Excelsi & fortis animi est ingratitude non deterreri à studio benè merendi de omnibus. Magnanimum arguit hominem constans in adversis tolerantia: Fortis animi est mortem cōtemnere, quoties aut inevitabilis necessitas urget, aut causa gravis & honesta suadet. Egregium imperterriti fortisque pectoris est documentum, in causa honesta piaque, nec certam mortem perhorrescere. Magnum faciunt res adversæ, secundæ felicem. Crescit in adversis virtus. Animum vincere, iracundiam cohibere, victoriam temperare, adversarium non tantum non conculcare jacentem, sed etiam adjuvare, fortis est viri, quem non solum magnis comparo, sed deo simillimum judico.


Petro

XIII.



Petro Lepido Metensi.

NEMO FORTIS NISI ET IVSTVS.



**N**emo potest dici fortis nisi iustus: & idem  
Mutuet à sancta robora iusticia.  
Fortis enim iusti officio persistit & instat:  
Servat uterque bonos, perdit vterque malos.

F 2

APETHΣ



## XIII.



## ΑΡΕΤΗΣ ΣΚΙΑ ΦΘΟΝΟΣ.

**V**irtutis comes invidia, plerunque bonos infectatur. Mos enim est hominum, vtnullius laudem tolerant libenter, neque eundem reliquis excellere: invidetur autē virtuti, præstanti, florentiq; fortunæ. At invidia virtute parta molesta esse non debet forti viro: cuius virtus hoc modo excitatior redditur, & ad omne bonum opus magis idonea. invidia virtutem sectatur, ut umbra corpus. Hujus vexatione, & punctione redditur vigil, perpetuò excubat in sui defensionem, cogiturque illius stimulis rectæ viæ insistere, & per mille labores progredi ad inaccessible illud gloriæ propugnaculum: quò cum pervenit, securitati se dat perpetuæ: iis enim qui in vita sunt, si quid laude dignum egerint, iis obstat invidia: post funera ut plurimum minùs severè se in defunctos gerit. Compertū invidiam est extremo fine domari. Virtus abunde sui est præmium, quicunque sequatur eventus. Laudibus humanis virtus non eget, ducit enim secum laudem suam & decus. Qui rectè & honestè curriculum vivendi à natura datum confecerit, hunc  
 virtus, invidia superata, immortalem  
 reddit.

Iacobo

XIII.



Iacobo Santalbino Trecensi Medico.


ΑΡΕΤΗΣ ΣΚΙΑ ΦΘΟΝΟΣ.



**V**Mbram habet omne suam corpus: sequiturque, praeitque:  
Sic secum virtus attrahit invidiam.  
Invidiam sine qua virtus torpescit: at illi  
Ad laudem stimulos suggerit invidia.

F 3

OMNE



OMNE BONVM OPVS INVI-  
diam sentit.

**A**Ranea ex eodem flore suum fugit venenum, ex quo apīs fedula dulce nectār conficit. Invidus araneā naturam secutus, ab iisdem actionibus optimis, quibus vir bonus laudem meretur, suam conflat & textit calumniam; ut plurimū prætextu pietatis & charitatis innocentem opprimens: quod hodie fieri magno bonorum omnium dolore experimur. Nihil enim est tam sanctum, tam sincerum, quod invidiæ morsibus non sit subiectum; cum mali suis uacantes odiis & passionibus, sub larva virtutis injuriosi sint justitiæ sectatoribus. Virtus verò, quæ placida est & mansueta, sibi suæ conscia integritatis sinistram Livoris iudicium ridet, & procul à se removet, invidum magis dignum misericordia iudicans, quàm ira. Si optimorum consiliorum atque factorum testis in omni vita nobis conscientia fuerit, sine ullo metu summa cum honestate vivemus. Conscientia rectè voluntatis, maxima consolatio est in adversis. Nec bono quicquam mali evenire potest, nec vivo nec mortuo; nec vnquam à Deo immortalis ejus res negliguntur; neque invidiæ fraudibus intransversum detorquentur.

Odoard.



XV.



Odoardo Bizeto Charlæo Trecenti.

OMNE BONVM OPVS INVIDIAM SENTIT .



**T**oxica ab hoc carpit sublimis aranea flore,  
 Dulcia quo parva mella parantur api.  
 Sic quoque virtutem, scelerata calumnia, carpis:  
 Et quod in hac damnes, improbe livor, habes.

## XVI.




ANTIQUA NOVIS SEMPER PRÆ-  
fert livor.

**D**VM vir meliore ingenio præditus inter homines vivit, non est quòd suæ virtutis præmium expectet integrum. id rarò ante mortem cuiquam accidit, vt calumnias malorum suæ virtuti insidiantes non senserit. Virtutem præsentem odimus, absentem quærimus invidi. Mos est hominum, ut nolint eundem pluribus rebus excellere. Non enim invidetur, nisi præstanti florentique fortunæ. Invidentia nihil aliud est, quàm ægritudo ex alterius rebus secundis. Virtuti & gloriæ maxime invideri solet. Est hujus sæculi labes quædam & macula, Virtuti præsentì invidere, ac dignitatis illius florem infringere velle. Sed præter culpam & peccatum, homini accidere nihil potest, quod sit horribile aut pertimescendum. Si virtus dormiat, excitatur ab invidia: præsto quæ adest Princeps fortitudo, quæ bonû virum tanto animo esse coget, ut omnia quæ possint homini evenire contemnat, & pro nihilo putet. Naturale hoc est vitium, splendorem alienum non ferre patienter, semperque absentia præsentibus, antiqua novis præferre:

Et quò quis magis est stolidus, eò magis temerariè de ignotis ferre iudicium solet.


Ioanni

XVI.



Ioanni Posthio Archiatro Palatino.

ANTIQUA NOVIS SEMPER PRÆFERT LIVOR.



**G**loria rara venit meritis dum vivimus. ipsa  
 Tum primum & summo funere fama venit.  
 Posthabet antiquis noua livor, & obstreperit ultro.  
 In scirpo nodum quæret, & inueniet.

G

VIRTUS





VIRTUS INVIDIA FIT EXCEL-  
tior.

**M**alum & detestabile est vitium invidiæ: quod tamen non sine commodo & aliquo emolumento contingit. Nam præter id quod non minùs aliena felicitate discruciat invidus, quàm suo infortunio; in causa est cur vir bonus circumspectius sese gerat in omnibus vitæ actionibus. Contingit sæpius invido, ut sua calumnia obrutus, infamis reddatur: Et qui fragili quærit illidere dentem, infringat solido. Imprudenter is in alterum torquet vitium, si in promptu est quod ipsi vicissim objiciatur. Maledicentia ea contemnenda est, quæ non à iudicio, sed à lingua Maledica injuriosè proficiscitur. Excellentium virorū est, negligere contumeliam, quæ à palam improbis & invidis venit: à quibus etiam laudari turpe est. Si laudatur vir bonus invidiæ dolis, æquo animo ferre debet: cum habeat conscientiam integram: Nihil est melius, quàm memoria rectè factorum, & libertate contentum, negligere humana. Ita vir prudens omnes totius vitæ componit actiones, ut de singulis rationem, si opus sit, possit reddere: Et censuram malorum quamvis difficilem, ferat tamen æquo animo.

Abraha-

XVII.



Abrahamo Ortelio Cosmographo.


VIRTUS INVIDIA FIT EXCITATOR.



**E**Xcitat invidiam virtus: perstringit at illa,  
Corrigit & quicquid segnius ista facit.  
Hujus censura virtus viget, excita ad omne  
Quod cura & studiis aggrediatur opus.

G 2

VIRTUS



## VIRTUS PRESSA VALENTIOR.

**I**Nter reliquas arbores, Palma victoriæ symbolo tribuitur: propterea quod pondus superpositū aut dejiciat insurgens, aut frangatur: Cū alioqui illius rami, longè ac latè sese extēdant, gratum viatoribus præbentes umbraculum. Propterea virtuti dicata est, quæ generosè contrariis obstat & repugnat. Vir fortis & magnanimus natura mitis est, humanus & tractabilis, promptus ad opem ferendā afflictis: at in oppressores & violentos insurgit animosè, & quibus potest viribus illos prosequitur, urget, & atterit. Qui generoso est animo, & res magnas molitur, & suæ Reipublicæ necessarias, nullum scopum sibi proponit alium, nisi ut rem prudenti consilio susceptam maturè perficiat, omne periculum, quod illum ab officio deterrere potest, contemnens. Quod exemplo suo comprobant M. Attilius Regulus, & Themistocles. Ille dum à Cartaginensibus captus esset, missus est Romam cum legatis, qui de permutatione captivorum apud Senatum agerent. Sed cū præcipuam juventutem hostium captivam Romæ videret, utilitati publicæ suam vitam postponens, suasit cōtrarium. Themistocles quoq; ab ingratis civibus Athenis expulsus, ad Persas fugit; à quibus magnis copiis præfectus in Græcos missus est: sed ne quid impium moliretur in patriam, hau-

sto tauri sanguine, mortem sibi  
conscivit.

Dionysio



## XVIII.



Dionysio Lebæo Bathillio Tricassino. I. C.

VIRTUS PRESSA VALENTIOR.



**P**ondere pressa gravi fit palma valentior: atque  
 Impositum duplici robore pulsat onus.  
 Et generosa malis non cedunt pectora: sed quas  
 Obijciant viris hostibus intus habent.

G 3

VIR

## XIX.




## VIR BONVS INVIDIÆ SECVRVS.

Q Vamvis virtus, felixque rerum successus, & prospera fortunaque fortuna, livoris injuriæ semper sit obnoxia: certum tamen est homini bono & integro nihil accidere posse, quod illum ab officio divertat. Malevoli intactum nihil relinquunt, nihil intentatum, quod boni viri famam aut expungat, aut illi saltem notam inurant: at boni viri famam aut expungant, aut illi saltem notam inurant: at boni, cum aliquid clementer, mansuetè, iustè, rectè, moderatè, sapienter factum legunt, aut audiunt, magno studio incenduntur, ut eos etiam quos nunquam viderunt diligat. Quis est qui non admiretur splendorem pulchritudinemque virtutis? Habet hoc præclara virtus, ut viros fortes species ejus & pulchritudo in hoste posita delectet; ignavos verò torqueat & cruciet invidia. Omnia enim quæ in hominem cadere possunt, subter se habet virtus: eaque despiciens, casus contemnit humanos: culpaque omni carens, præter seipsam nihil censet ad se pertinere. Illi non multum potest obesse invidia, qui sibi firmissimum in virtute, quàm in casu præsidium collocavit. Nam omnes vivendi rationes in virtute sunt collocandæ: propterea quod sola virtus in sua potestate est: Omnia præter eam, sub-  
jecta sunt fortunæ dominationi.

Ioanni

XIX.



Ioanni Durantio. I. C.

VIR BONVS INVIDIÆ SECVRVS.



**F**ama per ingenuas quaesita laboribus artes  
 Lucida neglecta sidera tangit humo.  
 Quae colis ima tene, comes inuide livor honesti.  
 Illosa à telis evolat alta tuus.

G 4

LIVOR






LIVOR TABIFICVM MALIS VENENUM.

**O**Mne peccatum vitioso homini aliquam speciem utilitatis aut delectationis adferre videtur. Fur ex suis rapinis emolumenta sua facere se credit, & suas facultates augere. Qui inimicitias & iræ suæ indulget, in eum quæ odit sapiens, suam explet inclementiam. Libidinosus, si suis amoribus potiat, felicissimum omnium hominum se asserit: multi inveniuntur qui voluptatibus vitam posthabuere. Piger, cum otio & luxu diffluit, nonne se Deorum vitam æmulari jactitat. Et qui gulæ deditus est, quis eum credat velle suam turpitudinem, effrænesque ventris cupiditates cum omni Philosophiæ studio permutare? Ita de omnibus vitiis judicari potest. Sola invidia sibi ipsi supplicium est, gehenna, & carnificina: suo veneno marcescit, cor suum rodit & conficit. Nihilque in suis cruciatibus consolationis recipit, nisi brevem, ac cito evanescentem in alieno infortunio lætitiā: quod exiguum est lucellum, si conferatur cum eo dolore, quo ringitur & conficitur ex felici fortuna eorum quibus invidet. Invidia Siculi non invenerunt tyranni majus tormentum. Probè hoc à Diis immortalibus comparatum est, ut invidus suo veneno contabescat, sibi que supplicium adstruat.

Domitio



Domitio Faino Veronensi.

LIVOR TABIFICVM MALIS VENENVM.



**O**Mne malos vitium juvat, aut delectat: habetque  
Quas ad perniciem conserat illecebras.  
Sola sibi pestem diris cruciatibus infert:  
Suppliciumque sibi concitat invidia.

H

PRVDEN-

## XXI.

PRVDENTER TEMPORE ET  
loco.

**P**Rudentia est rerum expetendarum scientia. In qua duo vitia plerunque inveniuntur. Vnum, cum incognita pro cognitis habemus, iis que temerè assentimur. Quod qui volet effugere, ad res considerandas, adhibere debet & tempus & diligentiam. Alterum vitium est cum nimis magnum studium, multamque operam, in res obscuras & difficiles conferimus, easque non necessarias. Cum autem hæc virtus maximè sit accommodata societati humanæ; prudentem virum non oportet esse morosum, non difficilem, neque alienæ simplicitatis contemptorem. Sed ut proximo prosit, sese quàm potest aptissimè, accommodabit; nunc severitatem comitate leniet, nunc tristitiam lætitia moderabitur: omnesque actiones tempori & loco congruas reddet. Est ubi loquendum severiùs, est ubi blandiùs, est ubi magnificentiùs, est ubi submissiùs, est ubi iucundiùs, est ubi duriùs. id si fiat citra perfidiam, prudentia est; quæ tutissimus est murus: neque enim collabitur, neque proditur. Multa sunt incommoda in vita, quæ sapientes commodorum compensatione leniunt. Stulti & imprudentes nec vitare venientia possunt, nec ferre præsentia.

Friderico



XXI.



Friderico Sylburgio.

PRVDENTER, TEMPORE ET LOCO.



**Q**uod geris hac larvam, non est ut fallat: at illa  
Aptat personam casibus atque locis.  
Lata est & tristis, quoties occasio poscit:  
Temporibus vultus commodat illa suos.

H 2

SAT

## XXII.



## SAT CITO SI SAT BENE.

N Vllum animæ frænum potentius dare possumus, quàm prudētiam : quæ nullo alio modo efficacius regitur, quàm consilio & ratione. Huic temeritas est contraria. Priusquam rem aggrediaris, cōsulto; vbi consulueris ; maturè facto opus est. In captandis consiliis, festinatio, ratiōis inimica, mentis perstringit oculos. At istud est sapere, non quod ante pedes modò est videre, sed etiā illa quæ futura sunt prospicere. Quod præcipiti via certum deferit ordinem, lætos non habet exitus. Festinandum est, sed lentè. Non potest in eo esse succus diuturnus, quod nimis celeriter est maturitatem assecutum. Et si utile est subitò sæpe dicere & agere; tamē illud utilius, sumpto spatio ad agitandum paratiùs atque accuratiùs dicere & agere. in rebus gerendis nūquam consideratur quàm citò, sed quàm benè. Non potest is verum à falso discernere, qui inconsideratè, dum non opus est, rem aggreditur: tantoque periculosior est celeritas imprudens, in rebus magnis, quòd earum exitus est periculosior, ruina major, & potentia longissima. Vt quisque maximè perspiciat quid in quaque re verissimum sit; quiq; acutissimè & celerrimè potest videre & explicare rationem, is prudentissimus ritè haberi potest.

Francisco

XXII.



Francisco Loyfio Medico.

SAT CITO SI SAT BENE.




**A**ggreditur quisquis peragendum opus, esse videndum  
 Noverit, ut benè rem, non cito ut expediat.  
 Discat is à tarda lentum testudine gressum;  
 Et simul à celeri papilione levem.

H 3

EVEN.



## XXIII.




EVENTVS STULTORVM MA-  
gister.

**T**Emeritas stultitiam comitatur; citiusque inconsultum hominem præcipitat in periculum, quàm animadvertat. At feræ sunt hominum lamentationes, prorsusque vituperandæ, quas occupatas in iis lugendis cernimus, quæ vitio suo & inconsiderantia contigerunt. Ita fit ut eventus sit stultorum magister, qui nunquam nisi icti sapiunt. Turpissimum est eum, qui ad Rempublicam administrandam vocatur, temeritatis & imprudentiæ redargui. quæ vitia sine magno periculo ciuitatis in eum qui magistratum gerit, non cadit: fitque sæpius ut imprudens non solum suæ fatuitatis, & inanimadvertentiæ pœnas gerat, sed totam civitatem in cōmune trahat excidium. Neque satis tutum est priusquam initium rectè consideraveris, de exitu consilium capere. Præterita reprehendi possunt, corrigi non possunt. Scitum est, periculum ex aliis facere, tibi quod ex usu fiet. Sapienter cogitant, qui temporibus secundis casus adversos formidant. Omnes, cùm secundæ res sunt, tum maximè secum meditari oportet quo pacto adversam ærurnam ferant. Serò sapiunt, qui imprudentia sua in periculum lapsi, pœnitentia & dolore sese cruciant.

Stulti enim est dicere non  
putabam.

Reutilio

XXIII.



Beutilio Saravefa. I. C.


EVENTVS STULTORVM MAGISTER



**H**Æc docuit prima tentare in flore iuventa,  
Cum tibi tot palmas derulit alta Croton.  
Quæ doceat serò, turpi discenda pudore,  
Stultorum euentus multa magister habet.

4

STVDIO




## STVDIO ET VIGILANTIA.

SI superflua sollicitudines vituperanda sunt, negligentia quoque aliud extremum vitium non minorem meretur reprehensione. Vita enim hominis nihil aliud esse debet, quam assidua occupatio circa res pias, honestas, & necessarias, tam publico statui, quam privato. Inter ea autem quibus sese præclara ingenia debent occupare, Philosophia, liberaliumque artium scientiæ primum locum habere debent: quod ex iis comparetur animorum instructio, & eruditio, morum præcipua: quibus rebus nihil est quod merito præferri possit. Nam cum Philosophiæ partes variæ sint; una de vita & moribus tractat: alia creaturarum rerum naturam & ordinem docet: tertia differit rationibus quid verum & quid falsum sit, quid rectum aut prævum. Quæ singula in se habent satis quod ad bene formandum hominis animum faciat; & delectationem summam pariat. Tota enim frugifera est, tota utilis, & voluptate plena. Ea enim hominem primum ad Dei cultum, tum ad modestiam, magnitudinemque animi erudit: eademque ab animo, tanquam ab oculis, caliginem depellit: Talis est Philosophia, cui qui pareat, omne tempus ætatis possit sine molestia degere. At in ea conquirenda, studio & vigilantia est opus: assiduo partalabore venit.

Iacobo




XXIII.



Iacobo Paschario Medico.


STVDIO ET VIGILANTIA.



**M**agnificas secum studium & vigilantia laudes  
Promovet, armigera premia grata Dea.  
Quod cristata notat torva super agide cassis,  
Noctuaque aggestos qua premit ungue libros.

I

LABOR



## LABOR OMNIA VINCIT.

**D**Eus nobis omnia vendit labore. Nihil est tā difficile, quod  
 pertinaci labore non possit evinci. Exercitium potest omnia.  
 Et quæ laboriosa sunt juventuti studia, hæc sunt jucunda  
 senectuti otia. Si quid enim feceris cum labore, labor abit, honestum  
 verò remanet. Sed si quid turpe cum voluptate, turpitudinem  
 manet, voluptas abit. Vigilando, agendo, & benè consulendo,  
 prosperè omnia cedūt. Quapropter necesse est primam  
 statim ætatem laboribus honestis assuefieri, eamq; ad fugiendum  
 segniciem hortari, quæ mater est omnium vitiorum. hæc  
 non solum morborū genera plurima secum trahit, sed etiam  
 ignominiam, & paupertatem. in cujus rete ignavus dormiendo  
 securè, nihilq; tale cogitans involvitur; unde se nunquam  
 potis est extricare. Blando desidii veneno, virtus paulatim  
 victa senescit. Otium & luxus in juvenibus stultitia est, in senibus  
 verò crimen. Otium omnia mala docet adolescentes. Otium  
 pulvinar Sathanæ. Qui studet optatam cursu contingere  
 metam, multa tulit, fecitq; puer sudavit. & alsit. Dum vires  
 sunt integræ nulli labori parcendum, ut aliquando senes  
 laborum messem colligamus. Spe otii sustentatur  
 labor: & laboris condimentum  
 est otium.

Ioanni.

XXV.



Ioanni Lobbetio. I. C.

LABOR OMNIA VINCIT.



**N**il tam difficile est, cui non labor imperet: ut non  
 Asidua cogi sedulitate queat.  
 Cor gerit incassum stultos ignavia questus:  
 Prætexat culpæ quod piger omnis habet.





## PACE VIGENT ARTES.

**P**AX donum Dei est, quod nobis cœlitus mittitur benigna Dei clementia. Pace non solum rerum omnium vbertas fecunda replet urbes, sed ea vigente pietas colitur, legum maiestas & reverentia stabilitur, exercetur Iusticia, vitia, & malorum refrænatur licentia: scientiæ docentur, bonarum artium studia florent; commercia cum peregrinis servantur. Vrbes structurarum & ædium magnificentia exornantur, & ingeniosis poliuntur inventis; totaque vita humana, & societas inter homines commodis & iucunditate repletur. Neque sine causa Iovis filia vocata est. cum nihil à Deo immortalis ad conservationem generis humani nobis conferatur magis dulce, magis necessarium, pace, & tranquillitate publica: Nihil enim est aliud pax, quam tranquilla libertas: cuius nomen reipsa tum iucundum est, tum salutare: Ea sublata, leges & iudicia servari non possunt integra, bonæ artes exerceri, juvêtus instrui. Denique ea vitata aut eversa, omnes societatis humane nervi debilitantur, aut prorsus infringuntur. Nulla salus bello: pacem te poscimus omnes. Nulla fides pietasque viris qui bella sequuntur. Bellis boni corrumpuntur mores, efferantur animi, & omnis disciplina vitatur.


Ioanni

XXVI.



Ioanni Poſthio Archiatro Pal.

PACE VIGENT ARTES.



**P**ACE vigent artes: aras pax thure vaporat.  
Pax cererem & Bacchum promover atque fovet.  
Filia pax Iovis est: & Divum munera nobis  
Dispenſat: placida pace beatus homo est.



INVITVM QVI SERVAT IDEM FA-  
cit occidenti.

**G**Ladio ignem ne fodito, inquit Pythagoras: flamma enim gladio involuta gliscens, uno momento tenentis invadit manum. Hoc præcepto annuit ira percitum non esse severius reprehendendum. Ira furor brevis est. qua qui correpti sunt, iudicium ac mentem amittunt. Et ut plurimum qui hoc furore percelluntur, ab eo vel sine profectu, vel cum periculo revocantur à benè monentibus. Vbi deest mens, disciplina nihil juvat. Mala perpetrare cogit ira plurima. Et haud tuta in ira consilia capi queunt. Prudentis est aliquando reprehensione uti. hoc docet charitas, hoc jubet amicitia, & humaniores affectus, qui proximi conservationem procurant. In omni tamen reprehensione sexus, ætas, tempus, & conditio illius quem moneas consideranda sunt. Sic juniorem tanquam filium; Seniore tanquam patrem; æqualem ut amicum; potentiorē verò majori iudicio alloquere: amaritudinem reprehensionis multa præfatione & reverentia leniendo, ut benignioribus & attentioribus audiat, quæ dices, auribus. omnia ad ædificationem proximi sunt referenda. charitas nobis scopus sit. Pervicacem verò & moribus perditum quod cures nihil est. A sinistro scabioso, & fœdato sordibus, si laves caput, operam cum lixivio perdes.

Lentulo



XXVII.



Lentulo Ventidio Nucerino. I. C.

INVITVM QVI SERVAT IDEM FACIT OCCIDENTI.



**I**gnem ne gladio fodito: furor haud habet aures.  
 Servare invitum maxima stultitia est.  
 Sic refragantem è scopulo detrudit a sellum  
 Rusticus: ingratis nil benefacta juvant.



## VIR MALVS ALIENO DAMNO

suam rem facit.

**N**E cum viro unquam carpito viam improbo. Nec te mali viri societas delectet. Mala mens, malus animus. Dolosum & malæ mentis virum nemo sine noxa aut ignominia evadit. Multi simulatione virtutis efficacius lædunt, quàm si improbi agnoscerentur ab omnibus. Ab his cavetur sedulò, ab illis sine probro & periculo difficile est sese extricare. Simplicitate fucata nihil est pestilentius. Vt hamo inescato pisces, viscatis virgultis aviculæ, sic imprudentes dolosi hominis impostura capiuntur. Nulla vitæ perniciēs major inveniri potest, quàm cùm in malitia inest simulatio. Propterea vir prudēs exactum semper adferet iudicium, dum se in alienam societatem cupit inferere. discernat prudenter dignos ab indignis. Modium salis cum amico comedes, antequam illi tua arcana committas. Nimia credulitas, locum dat imposturæ. Ne nimium fide, inquit Italus, si decipi nolis. Occasio furem facit. Qui malus est, statim abutetur viri boni candore & credelitate; & ex illius damno non verebitur suam rem facere. Fronti nulla fides in plurimis. Nullæ sunt periculosiores insidiæ, quàm quæ latent, sub simulatione officii. Ita se quisque in omni vita gerat, ut prudenter simplex, & simpliciter prudens sit & habeatur.

Ioanni

## XXVIII.



Ioanni Lasicio Polono, I.C.

DVLCE VITÆ CONDIMENTVM AMICITIA.




**S**tertentis catuli tacito pede caprat ab igne.  
 Quis videt assari simia castaneas.  
 Ingenio est simili quisquis sibi consulit, atque  
 Ex damno alterius propria lucra facit.

K

MALVM





MALVM CONSILIVM CONSULTO-  
ri pessimum.

**C**onsiderati Principis est, consultoribus uti quàm optimis, quoties ad res gerendas sese accingit. Consilium bonum nervus est potentia Regia. Visque consilii expers mole ruit sua. Neque assentiendum est iis, qui existimant res urbanas minores esse bellicis. Quæ in militia Duces aggrediuntur, nisi consilio gerantur, ut plurimum infelices habent exitus: quare expetenda est magis decernendi ratio, quàm decertandi promptitudo. Non enim viribus, velocitate aut celeritate res magnæ geruntur, sed consilio, autoritate, & sententia seniorum, qui rerum usu experientiaque valent. Principes ex optimis consiliarios sibi deligant; qui propriis affectibus, cupiditatibus aut lucro ferri se non patiuntur: sed qui bono reipublicæ intenti sunt, qui utile ab honesto non separant: quibus pietas in Deum, patriam, & proximum cordi est. Ex temerariis consiliis sæpissime labefactatæ sunt excellentes Respublicæ; & regum auctoritas in discrimen adducta. Contingit & aliquando ut malum consilium fuerit consultori pessimum. Quod evenisse olim Perillo, qui sævitiam Phalaridis conslato bove ahe-neo incendit. in quo crematus est inventor, & Tyrannus paulo post. Idem accidit & Thrasio; qui Busiridi suadens, ad eliciendas ex cælo pluvias, Iovi sanguine humano faciendum sacrum. Is aquam primus Ægypto dedit. & ad easdem aras Busiris, cum Amphidamante postea ab Hercule jugulatus est.

Lalio

XXIX.



Lælio Cleopasso Hydruntino.


MALVM CONSILIVM CONSVLTORI PESSIMVM.



**C**onsultor persæpe malus, dum suadet iniqua,  
 Consiliopatitur parta pericla suo.  
 Quod docuit quondam taurifabricator aheni:  
 Et jugulo Phariis qui dedit hospes aquam.

K 2

LÆSA



## LÆSA PATIENTIA FIT FVROR.

Nemo tam abjecti animi virescit, nemo tam vilis conditionis homo, qui irritatus aliena injuria, non cupiat violentiam à se repellere. Pulchra virtus est patientia: sed eam Italus Asininam vocat. Veterem ferendo injuriam invitas novam. Pusillanimitas malorū proterviam excitat ad malè agendum. Contumeliosi è ciuitate extrudendi. Qui alteri parat exitium, cum scire oportet sibi paratam pestem, ut participet parem. Sux quisque utilitati servire potest, dummodo sine alterius injuria fiat. Qui bonus est vir, is potius suum fert incommodum, quàm damno alieno suam rem faciat. Rei familiaris amplificatio nemini nocens, non est vituperanda; sed fugienda semper est injuria. Detrahare aliquid alteri, & hominem hominis incommodo suum augere commodum, magis est contra naturā, quàm mors, quàm paupertas, quàm dolor, quàmque cætera quæ corpori vel rebus externis eveniunt. Vitent potentiores violentiam neque sui commodi causa noceant alteri: sed se legibus æqui ac recti contineri sciant; quæ hoc spectant, hoc volunt incolumem esse civium conjunctionem. Qui volunt in inferiores imperium gerere, bonos imitentur pastores; qui tondent pecus non excoriant. Præficiuntur auctoritate divina Principes populo, ut eorum potentia boni defendantur, puniantur mali. Qui secus facit, indignus est imperio.

Veturio



## XXX.



Veturio Leontio Hydruntino.

LAESA PATIENTIA FIT FVROR.



**V**EL Iovis ante oculos aquilam scarabeus inultam  
 Non finit: ira ullum nescit habere modum.  
 Mentem offensa agitat sanam: patientia laesa  
 Fit furor: & rabidas vertit ad arma manus.

K 3

DVLCE



## DVLCE VITÆ CONDIMENTVM

## Amicitia.

**A**micitiā rebus omnibus humanis antepōnamus. Nihil enim est tam naturæ aptum, tam conveniens ad res vel secundas vel adversas. In amicitia enim omnia insunt, quæ putant homines expetenda, honestas gloria, tranquillitas animi, atque jucunditas: ut cū hæc adsint, vita beata sit; & sine his esse non possit. Amicitia firmissimum est præsidium. Non aqua non igni, non aëre pluribus locis utimur, quàm amicitia. Solum è mundo tollere videntur, qui amicitiam è vita tollunt. Tantum boni est in amicitia, ut ad eam rem perficiendā, deorum atque hominum munera videantur cōcurrere. Coniunctio animorum maxima est cognatio. Idem velle, atque idem nolle, ea firma est amicitia. Amicus est desiderabile nomen, infelicitatis refugium, secretorum receptor, amanda felicitas. Optimam vitæ suppellectilem sibi comparavit, qui amicos paravit. Sine amicorum benevolentia, neque in adversa, neque in secunda fortuna quisquam vivere potest. Ac propterea colendam amicitiam sapientes affirmant, quòd sine ea tutò, & sine metu vivi non possit, ne jucundè quidem. Nullo enim modo sine amicitia firmam & perpetuam jucunditatem vitæ tenere possumus. Vita sine amicitia cæca est, insidiarum & metus plena. Amicus quasi animæ æquus, ab animorum æqualitate dictus est. Est enim amicitia una anima in duobus corporibus.



Iacobo Paschario Medico.

VIR MALVS ALIENO DAMNO SVAM REM FACIT.



**C**incta est virtutis cestu: candoris amictus:  
Muneribus dives, religione potens.  
Cor patet, & firma est, & sceptro nixa benigno  
Simpliciter prudens regnat Amicitia.

K 4

AMICO-





## AMICORVM OMNIA COMMVNIA.

**C**Vi sunt amici, esse sibi thesauros putet. Veros amicos ducito fratrum loco. Honora amicos, tanquam honorares deos. Nummis potior amicus in periculis. Et cum amicorum communia esse debeant omnia, sibi laborant ipsi, amico qui suo. Ut ignis aurum, tempus ita amicum probat. Amicitiam tueri non possumus, nisi amicos æquè ac nosmet ipsos diligamus. Quibus cum nostra omnia dicata sint, si quæ honesta non sunt postulantur, religio & fides amicitiae anteponenda erit. Neque amici vocandi sunt, qui amicitiae scopum in utilitate constituunt. Me ipsum ames oportet, non mea, si verè amici futuri sumus. Barbari sunt & inhumani, qui nihil æstimant, nisi quod sit fructuosum, neque sibi exemplo sunt. Ipse enim se quisque diligit, non ut aliquam à seipso mercedem exigat charitatis suæ, sed quod per se sibi quisque charus est. Quod nisi idem in amicitia transferatur, verus amicus nunquam reperietur. Vna ista sit cautio in amicitia, ut ne nimis citò diligere incipiamus, neve non dignos. Digni autem sunt amicitia quibus in ipsis inest causa cur diligantur: ut virtus, pietas, eruditio, comitas, & cetera ejusmodi bona animi. Amandum est, sed usque ad aras. Inter bonos tantum constat amicitia. Quæ inter malos concordia contrahitur, & associatio licet firma ad tempus, conspiratio non amicitia vocanda est.

Ludovico



Ludovico Malarinæo Vesuntino. I. C.


PRÆTEXTV NOCENTIOR.



*C*œlo animam, patria vitam debemus: amicis  
 Omnia: sed certa conditione tamen.  
 Sancta deus pietas sacrari poscit, & aris:  
 Cætera non læso numine, amicus habet.

L

INGRA-



## INGRATITVDINE LANGVET

amicitia.

SI amare nihil aliud est, nisi perpetuò consentiens voluntas & desiderium procurandi quæ necessaria sunt, aut utilia nostris amicis, nullo nobis emolumento proposito, quod ad nos redeat, eos qui sordida ingratitude sua commoda tantum quarunt in amicitia, captantes quavis occasione, tempore, & loco sua lucra, neque reciprocam in commune conferunt voluntatem & studium, dicemus falsò usurpare tam sanctum & laudabile nomen amicitia. Nihil est tam inhumanum, tam immane, tam tetrum, quàm committere ut beneficio non dicam indignus, sed victus esse videare. Neque solùm gratus debet esse, qui accepit beneficium, verumetiam is cui potestas accipiendi fuit. Eodem animo debetur beneficium, quo datur. Improbis est homo, qui beneficium scit sumere, & reddere nescit. Nihil enim magis alienum ab humanitate, & ea morum comitate, quæ inter bonos esse debet, quàm benefactis alienis rem suam cumulare, nec quicquam cuiquam reddere, si reddendi facultas adsit. At cui gratia referri non potest quanta debetur, habenda tamen est, quantam maximam animi nostri capere possunt. Cùm amici, de quo meritis esse videris, facultates ita tenues sunt & exiguæ, ut par pari referre non possit, voluntatem sinceram pro factò accipere viri boni est.

Stephano




## XXXIII.



Stephano Saugeto Vefuntino,


INGRATITVDINE LANGVET AMICITIA.



**O**fficium ingratus nullo qui senore pensat.  
 Orchomeni faciles non habet ille Deas.  
 Sed cribro similis: per aperta foramina cibus  
 Integra si fundas flumina, tota fluent.

L 2

XAPIΣ



## XAPIS. AXAPIS.

S Erò beneficium dedit, qui roganti dedit. Carè emit beneficium, qui precibus extorsit. Qui citò dat, bis dat. Gratia celer dulcissima: quæ verò tarda est, ingrata est gratia. Si quod bonis confertur beneficium non perit, quæ benè collocata est gratia, preciosus est thesaurus. Nihil sordidius, nihil vilius abjectiusve, aut viro bono magis indignum, quàm semper accipere, & nullam reddere gratiam; imò si facultates ferant, duplum rependere. Hujus sententiæ memor esse debet homo ingenuus. Accepta memineris, data obliviscere. In conferenda gratia non considerabimus, quod à plerisque fieri solet, ut ei benè faciamus, à quo duplum nobis reddi speramus. Hoc boni viri officium est, ut quisque opis nostræ maximè indigeat, ita ei potissimum opitulemur. Multi liberales in promissis, tepaces in collatione beneficii. Plurimi beneficii collati memoriam exprobratione, odiosave commemoratione labefactant. quo nihil ingratius inveniri potest. Ingratus est, qui accepisse beneficium se negat quod accepit: ingratus est qui dissimulat, ingratus qui non reddit: omnium ingrattissimus qui oblitus est odiosus qui exprobrat, aut qui assidua commemoratione benefacti gratiam debitam imminuit. Similis est capellæ vitiosa, quæ cum hero quotidie mulctram lacte plenam dedit, nisi caveatur, eam pede impulsam subvertit, aut exonerata alvo stercore lac fœdatum.

corruptit.

Francisco



Francisco Sarræo Nanceiano. I. C.

ΧΑΡΙΣ ΑΧΑΡΙΣ.



ΚΑΛΟΝ ΘΗΣΑΥΡΙ  
 ΣΜΑ ΚΕΙΜΕΝΗ  
 ΧΑΡΙΣ  
 ΧΑΡΙΝ ΔΑΒΟΝ,  
 ΜΕΜΝΗΣΟ: ΚΑΙ  
 ΔΟΥΣ, ΕΠΙΛΑΘΟΥ

74

**Q** Vicito dat, bis dat, cantant proverbias: sicut  
 Ἀ'χαῖς ἀβέβδ' οὖτος ἀ'χαῖς β'ῖχαῖς.  
 Munera qua tardo veniunt pede munera non sunt.  
 Nam, qua hac commendet, Gratia nulla subest.

L 3

PRÆTEX.





## PRÆTEXTV NOCENTIOR.

**T**Otius iusticiæ nulla est capitalior pestis, quàm eorum, qui cum, dum maximè fallunt, id agunt, vt viri boni videantur. Hypocrisis teterrimum est vitium; qua societatis humanæ, omnisque amicitia vis corrumpitur & concidit. Cumque in omnigenere hominum reprehendenda sit, in iis abominanda meritò debet esse, qui suas iras, inimicitias, ambitionemque prætectu pietatis & religionis tegunt & satiant: anima mala & incendiaria, seditionum & discordiarum fomites te & a fraude serentes. Iusticiæ pars præcipua est non violare homines. Nihil à iusticiæ officio magis est alienum, quàm inferre injuriam. Nihil tetrius aut inhumanius, quàm nocere charitatis simulatione. Inimicum apertum fugimus & cavemus illius violentiam. In hypocritæ calumnias & injuriam citius impingimus & labimur, quàm animæ adverterimus: Si potissimum auctoritate & potentia, vel sanctimoniam inter bonos excellant opinionone. Eorum violentiam difficilius evitare possunt oppressi, quò plures habeant suæ improbitatis fautores, etiam inter bonos, quibus larva integritatis imponunt. Nihil tam inhumanum, tam deformè, tam illiberale videtur, quàm ad summum imperium summam acerbicatem naturæ adiungere, & illi belluinæ crudelitati larvæ pietatis induere.

Petro



Petro Friderico Mindano. I. C.


AMICORVM OMNIA COMMVNIA.



**N**ulla est iustitiae pestis capitalior illis  
Larvata apparent qui pietate boni.  
Quo plura intulerint incautus damna nocentes,  
Inde illi laudis plus meruisse volunt.

L 4

AMOR



## AMOR TECTVS ARDENTIOR.

**D**ifficilimum est juventutem intra limites sui officii continere, ac stolidæ illius ætatis refrenare passiones & affectus, qui eo magis æstuant, quò magis teguntur. Nulli hominum, aut saltem paucis, natura datum est, vt eodem tempore multo amore inflammetur, & prudens sit. Amore iudicium pervertitur, mens in diversum distracta, non potest imaginari quæ recta sunt & necessaria. Fluctuat omnis amans. Vis magna mentis, blandus atque animi dolor amor est. Quæ res nec modum habet, nec consilium; ratione modoq; tractari non vult. Amorem sectari solent cura, ægritudo, dolor. Amori accedunt hæc vitia, insomnia, ærumna, error, & terror, & fuga, ineptia, stultitiaque adeo, & temeritas, incogitantia, excors, immodestia, petulantia, cupiditas, & malevolentia. Inhæret etiam aviditas, desidia, injuria, inopia, contumelia, & dispendium. Improbe amor, quid non mortalia pectora cogis? Cruclis amor, cujus parva flamma primo vapore delectat; at fomento consuetudinis exæstuans immodici ardoris totum hominem perurit. Amantes amentibus haud absimiles; qui seipsum nesciunt, & quid agant ignorant. Libertas quoniam nulli jam restat amanti; Nullus liber erit quisquis amare volet. At quisquis in primo obstitit pepulitq; amorem, tutus & victor fuit. Qui blandimento dulce nutriuit  
malum, serò recusat ferre, quod  
subiit jugum.

Pomponio




XXXVI.



Pomponio Ricio Neapolitano.

AMOR TECTVS ARDENTIOR.



**D**ifficile est rapidam frenis cohibere iuventam:  
 Sæpe est auriga noxia, sæpe rotis.  
 Conduplicat vires tectus vehementius ignis.  
 Quoque magis tegitur, tum magis ardet amor.

M

VOLV-



## VOLVPTATIS VSVRÆ MORBI.

**N**ihil feruilius abjectiusque est, quàm voluptatibus obnoxium videri. Insaniam aufert medicus; voluptas cum æquè mentem eripiat homini, vix sanabile malum est. Nulla capitalior pestis hominibus à natura data est, quàm voluptas. Nam ex hoc fonte prodit quicquid est in hominum vita scelerum & calamitatum. Voluptati inhonesta parata est comes pœnitentia. Quàm optimè hoc natura comparatum est, vt hæ duæ res sese invicem comitentur, voluptas & dolor. Luxu nihil turpius: Libido pecudem ex homine reddit. Fluit voluptas, & prima quæque evolat; sæpiusque relinquit causas pœnitendi, quàm recordandi. Plerique propter voluptatem, & parvam & non necessariam, tum in morbos graves, tum in damna, tum in dedecora incurrunt: sæpe etiam legum, judiciorumq; pœnis obligantur. Quò major est voluptas, eò magis mentem à sua sede & statu dimovet. Quapropter qui voluptatibus ducuntur, & se vitiorū illecebris, & cupiditatum lenociniis dediderunt, ad Reipublicæ gubernacula non sunt admittendi. Fieri enim non potest, ut animus libidini & cupiditati deditus, prudentia valere, consilio prodesse, & discernere verum à falso possit; nedum aliis consulere, cum sibi ipsi sit inutilis.


Livio

## XXXVII.



Livio Algerio Nolano.

## VOLVPTATIS VSVRÆ MORBI



*S*perne voluptatem: multorum est esca malorum.  
*S*ollicitus moror cui solet ire comes.  
*I*llius usura morbi, dolor, angor, egestas;  
*E*t pudor, & nudo corpore pauperies.

M 2

DELE-





## DELECTAT ET ANGIT.

NVlla capitalior pestis, quàm corporis voluptas, hominibus à natura data est. Imitatrix enim boni est, malorum mater omnium: cujus blanditiis corrumpuntur quæ natura bona sunt. Esca malorum est voluptas, qua homines capiuntur ut hamo pisces. Venientes voluptates fucata specie blandiuntur, abeuntes autem pœnitentiâ ac dolorem relinquunt. Ex earum affectibus ferè omnis humanæ vitæ perniciēs nascitur; cui à natura parata est comes tristis pœnitentia, ac dolor. Voluptates blandissimæ dominæ, sæpe majores partes animæ à virtute detorquent. Virtutes maximas jacere oportet, voluptate dominante. Huic qui deditus est, illi omnia sensu non ratione judicanda sunt; eaque dicenda optima quæ sunt suavissima. Nemo est dignus nomine hominis, qui unum diem totum velit esse in voluptate. Omnis nostra cura debet in hoc versari semper si possumus, ut voluptatis fomenta; & dulces illecebras à nobis submoveamus: Nobisque persuasum esse debet, si Deum, hominumque societatem, ad quam nati sumus, velimus colere, ut nihil iniuste, nihil libidinosè, nihil incontinentè faciamus. Honesta bonis, non occulta querenda sunt. Ea suauitas quæ ex voluptate emanat, statim in amaritudinem convertitur, delectatio in dolorem.

Basilio

## XXXVIII.



Basilio Charondæ Albano.


(DELECTAT ET ANGIT.



*Spicula sentit apum, dum dulcia mella requirit  
 Condita in Hyblæis sult a puella favis.  
 Sic quoque delectat damnoſa angit<sup>at</sup> voluptas;  
 Inque ſuis celat ſpicula mille favis.*

M 3

VBI




VBI VOLVPTAS IMPERAT ILLINC  
extruditur virtus.

**I**Mpedit consilium voluptas, rationi inimica, nec habet ullum cum virtute commercium. Propterea in voluptatis regno virtus non potest consistere. Nihil altum, nihil magnificentum ac divinum suscipere possunt, qui suas omnes cogitationes abjecerunt in rem tam humilem, tam turpem, tam contemptam. Omittendæ sunt omnes voluptates, relinquendus luxus, & mollia delectationis studia, quæ homines à virtute alienos reddunt. Perniciosa sunt ea blandimenta, quibus sopita virtus suum amittit splendorē. Cùm enim corpore constemus & animo, non minorem curam animi quàm corporis habere debemus. Duplex est vis animorum, una pars in appetitu posita est: altera in ratione, quæ docet & explanat quid faciendum, fugiendumve sit: ita fit ut ratio præsit, appetitus verò obtemperet, si animus sit integer. Animi morbi sunt cupiditates immensæ, non solum gloriæ, divitiarum, dominationisque, sed etiam libidinosarum voluptatum, quæ animos excedunt, conficiuntque curis, iudicium pervertunt, nec permittunt ullam cum virtute associationem aut commercium.

Contraria enim tenent, neque ulla vtriusque  
potest evenire convenien-  
tia.


Philippæ





Philippa Lazæa Polanæ.

VBI VOLVPTAS IMPERAT ILLINC EXTRVDITVR VIRTVS.



**R**egnat ubi molli luxu satiata voluptas,  
 Illic virtuti non datur esse locus.  
 Namque hæc diversis committunt prælia signis.  
 Perpetuæq; gerant amba inimicitias.

M 4

EBRIVS

## XL.




## EBERIVS INSANO EST SIMILIS.

**H**omini intemperanti venenatū est vinum. Ab insano minimè differt ebrius: & hic & ille mente capti, in vxorem, liberos, amicos & proximum quemq; sine discrimine seviunt. Vno forma perit, vno corrumpitur aetas. Vinum mors memoriæ. Magnum hoc vitium vno est; pedes captat primū, luctator dolosus est. Vno namque modo vina venusque nocent: Vt venus enervat vires, sic copia vini; & tentat gressus, debilitatque pedes. Balnea vina venus corrumpunt corpora nostra, ut vitam faciunt balnea vina Venus. Periculum minū fugiendum est quam ebrietas. Si unum in locum collata sint omnia mala, cum turpitudine ebrietatis nō erunt comparanda. Omnium perturbationum fons, est intemperantia; quæ est à tota mente, etiam à recta ratione defectio; sic aversa à præscriptione rationis, ut uullo modo appetitione animi regi vel contineri queat. Mente enim rectè uti non possunt, multo cibo & potione repleti. Ab ipsa temperantia, & modesta vitæ ratione transversum unguem non oportet quenquam in omni vita sua discedere: multo minū in beluinas istas ingurgitationes sese provolvere, quibus similes imò peiores brutis homines redduntur.

Prospe-

XL.



Prospero Ventidio Nuccrino.

EBRIVS INSANO ET SIMILIS.




**E**brivus insano est similis: vinumq; cicutæ  
 Est homini. Hoc at as formæq; culta perit.  
 Luctator vaser est, & decipit arce dolosa:  
 Nam primum captat debilitatq; pedes.

N

GRAN-



## XLI.

GRANDE VECTIGAL PARSI-  
monia.

**V**ictus cultusque corporis ad valetudinem referantur, & ad vires, non ad voluptatē. Esse oportet ut vivas, non vivere ut edas. Tantum cibi & potionis accipit vir frugi, ut reficiantur vires corporis, non ut opprimantur. Iucunditas enim victus est in desiderio, non in satietate. Nihil indignius est homine, quam sui ventris mancipium fieri, & turpis crapulę subire jugum. Victus moderatus grandis est homini sobrio thesaurus. Si res tua non sufficit tibi, tu parcendo fac ut sufficiat rei tuę. Benè est cui Deus obtulit, parca quod satis est manu. Serviat æternum, qui parvo nesciet uti. Qui necessariis contentus est, vilem sibi facit annonam. Quod vult habet, qui velle quod satis est potest. Etis minimo eget mortalis, qui minimum cupit. Quod satis est cui contingit, nil amplius optet. Divitię grandes homini sunt vivere parcè æquo animo: neque enim est usquam penuria parvi. Auream quisquis mediocritatem diligit, tutus caret obsoleti sordibus tecti, caret invidenda sobrius aula. Omnibus enim in rebus quę tractantur in vita, modum quandam & ordinem adhibentes, honestatem & decus conservabimus.

Nicolao

XLI.



Nicolao Houllonio Metensi.

GRANDE VECTIGAL PARSIMONIA



**D**ivitiæ grandes homini sunt vivere parce:  
 Dives cui rerum supererit usus, erit.  
 Si non sufficiat tibi res tua, contrahæ sumptus:  
 Angustæq; rei sic bene sufficies.

N 2

PAVPER

## XLII.



## PAUPERTAS LEPRÆ SPECIES.

Omnes hoc liberè fatebūtur, paupertatem non esse vitium: Quicunque tamen pauper est, inglorius & ferè infamis est apud omnes. Pauperi nulla est autoritas, nulla fides. Pauperum vani solent esse sermones. Pauper licet doctus, prudens, & probè eruditus, gratiam ditiorum mereri nunquam videbitur. Paupertas per se nihil mali habere dicitur: comitem tamen habet semper secum contemptum. Nil habet infelix paupertas tristius in se, quàm quòd ridiculos homines facit. Tantùm fidei quantùm nummorum. Paupertas à lepra non est ab similibus: ab utraq; qui tenetur, fugitur ab amicis & consanguineis. Multa vilia & servilia negotia liberos homines & ingenuos paupertas agere cogit: ob quæ misericordiam potius quàm odium mereri videntur. Amicus hospes si pauper est, primo die admittitur, secundo fœtet, tertio extruditur. Paupertas ut per se non est improbanda, habet tamen in se, quo efficaciter egenos moveat, & pelliciat ad malè agendum. Malè suada famulus est. Nullum ad turpitudinem virgini lenocinium fortius est paupertate. Vir prudens, etiamsi divitiis inhiare non debeat, paupertatem tamen, quantùm potest, dum fugit, facit benè. Labem enim turpem virtuti inurit egestas. Et genus & virtus, nisi cum re, vilior alga est.


Ioanni





Ioanni Aubrio Trecensi.

PAUPERTAS LEPRÆ SPECIES.



**P**aupertas vitium non est: sordet tamen omnis  
 • Pauper, & egregie semper honore caret.  
 Est lepræ species: quasi tenere, propinquum  
 (Excuses quamvis omnia) nemo vult.

N 3

BONO-

## •XLIII.



BONORVM PROBRVM EST, VIRVM  
probum indigere.

**C**Vi patrimonium nimis exiguum relictum est à parentibus; nec illi ad necessarias res sufficit; cui fortuna, bello, imposturis aut violentia aliena creptæ sunt: qui in egestatem stoliditate socordia, ingluvie, desidia, aliave culpa incidit, opesque, quas prius habuit, decoxit, cum magno adversario conflictatur: Quacunq; causa paupertas hominem invadat, semper gravis, semper onerosa, semper opprobriis plena existimatur. Externis quidem bonis homo non fit melior: nulla tamen virtus suum retinebit decus in egestate. Mendicitas onus est intolerabile: à qua quò magis distabis, beatior judicabere. Vitam quæ faciunt beatiorē, res non parva labore, sed relictæ. Nulli vitio dari debet ea si bi parare quæ desunt, Paupertas multis portam claudit ad honestas actiones. Nonnunquam etiam ad res indignas quasi humeris protrudit. Durum & intolerabile onus egestas. In extrema inopia constitutis, difficillimum est emergere: Qui tamen pauperes sunt sine culpa sua, contemnendi propterea non sunt, si boni viri sunt. Horum indigentia ditioribus probro esse debet. Bono beneficiū conferre, boni viri est. Quod benè sit bonis haud perit: nati sumus non nobis, sed patriæ, sed amicis, sed virtute ac pietate præditis.


Pe tro

## XLIH.



Petro Lepido Metensi.

BONORUM PROBRUM EST VIRGILII.




**Q**ui probus est, & eger, probro illi non sit egestas:  
 In dices probrum manat id omne bonos.  
 Largiris quodcunque probro, tibi grata vicissim  
 Id virtus multo fenore restituit.

N 4

VITA



## XLIH.



## VITA AVLICA SPLENDIDA

miseria.

**M**El amarum comedit, cibosq; aloë tinctos; captiva libertate fruitur, jugum compedesque aurcos trahit, splendideque miser dici potest, qui aulicis vinctus illecebris, sui jeris esse nunquam potest. Is si cōferat poteniorū fastum, & fastidia, ingratitude superbam, & contemptum quem cogitur tolerare, cum omnibus deliciis & voluptatibus aulicis, sentit suam conditionem non multum differre à servis, qui ad ergastula detruduntur. Infelix est illa felicitas, quæ hominem liberum subicit passionibus & pravis affectibus stulti diuitis, spe levīs præmioli, vel inanis gloriæ proposita: vel quod omnino turpissimum est, propter voluptates, scelerumque impunitatem; quæ omnia fructus sunt peculiare vite aulicæ: ex quibus, cum maturaverint, morbi, cōtemptus, ignominia, ingratitude, feraque pœnitentia nascitur. Homo ingenuus ad libertatem natus est, & ad eam retinendam natura instigatur: Omnis servitus est onerosa. servire superbis, improbis, insolentibus, violentis & impudicis, intolerabile. Ille liber dici nequit, cui mulier, cui puer, cui improbus imperat: qui nihil jubenti audent negare, nihil recusare. Si poscit, dandum est, si vocat veniendum, si ejicit abeundum, si minatur extimescendum.

Non benè pro toto libertas venditur

auro.


Paulo

XLIH.



Paulo Melisso Com. Pal.

VITA AVLICA SPLENDIDA MISERIA.



**M**elle aloëm tinctam comedes, & dulce venenũm;  
 Servaque inaurato colla premere jugo;  
 Aegistique nurus imitabere quisquis in aula  
 Deperdes misero tempora servitio.

O

METVS

## XLV.



## METVS EST PLENA TYRANNIS.

**T**Yrannus omnis inimicus est libertati, & legibus cōtrarius. Nihil aure tyranni violentius; nihil rapidius ad inferendam injuriam. Perpetua formidine fluctuabit, qui tyrannum sequetur. cujus amicitia inconstans & mutabilis, animusque ad iram & vindictam ob levissimas suspiciones procliuis est. Vt tyrannus malus est & improbus, sui similibus aulicis gaudet & delectatur; quibus neque parcit, leviter irritatus. Et cum sciat se ab omnibus metui, omnes quoque suspectos habet, inter metum & spem dubius fertur: nihil non formidat; objectis omnibus, movetur: nihil inausum nihil intentatum relinquit quod non aggrediatur, ut à se contrarios conatus removeat. Magnum est Personam in Republica tueri Principis, qui non animis solùm debet, sed oculis servire civium. Non tantum mali est peccare Principes, quantum illud quod permulti etiam imitatores principum existunt. Regis ad exemplum totus componitur orbis. Quæcunque mutatio morum extiterit in Principe, eadem in populo statim subsequitur. Et vitia quæ Principes concipiunt, ea celerrimè infundunt in civitatem: plusque exemplo quàm peccato nocent. Felix fortunatumque regnum, cui bonus Rex imperat, legum fautor,

& bonorum morum promotor.

Fabio





Fabio Tæniæ Salernitano.

METVS EST PLENA TYRANNIS.




**A**sfentatorem penso Dyonyfius ense  
 Circunftent regem quanta pericla docet.  
 Si bonus eft, pofitus vivet fecurior armis:  
 Si malus, inftanti eft proximus exitio.

O 2

NVLLI

## XLVI.



NVLLI PRÆSTAT VELOX FOR-  
tuna fidem.

VARIA est vitæ commutabilisq̃ue ratio, vaga volubilisq̃ue fortuna. Nihil est tam contrarium rationi, & constantiæ, quàm fortuna. Ea enim non solùm cæca est, sed etiam plerunque efficit cecos, quos complexa est. Qui fortuna aspirante extolluntur, sæpe efferuntur fastidio & contumacia. Nihil est insipiente fortunato intolerabilius: Cæca quoque dicitur, quòd nihil cernat quòd sese applicet. Sæpius sua indignis largitur munera. Insanam illam quoque vocarunt antiqui, quia atrox, varia, incertaque sit, & instabilis. Dat quodcunque libet fortuna, rapitq̃ue. Brevis est magni fortuna favoris. Ea vitrea est, & cùm maximè splendet, frangitur. Citiùs fortunam invenias, quàm retineas. Nunquam enim magis constans est, quàm in sua inconstantia & volubilitate. Fortunæ muneribus utendum, non fidendum. Quicquid in altum fortuna tulit, ruitura levat. Fortunæ sævo læta negotio, & ludum insolentem ludere pertinax, transmutat incertos honores, nunc mihi nunc alii benigna. Et cùm blanditur, tum maximè metuenda est. Quare oblatam utramvis fortunam, iuxta suscipere discat, qui animo esse tranquillo cupit.

Dionysio

XLVI.



Dionyſio Lebæo Bathillio.

NVLLI PRÆSTAT VELOX FORTVNA FIDEM .



**D**Vm nobis fortuna favet, blanditur, & offert  
 Subſidium, nobis eſt metuenda magis.  
 Illiusq; bonis, dum arridet leta, fruamur:  
 Hanc reperire quidem, non retinere licet.

O 3

VIRTVS



## XLVII.



## VIRTUS EST FVNERIS EXPERS.

**Q** Væcunque in rerum natura conspiciuntur, ea interitui subiecta sunt. Robur, valetudo, divitiæ, forma, dignitates, reliquaque bona, quibus commodè vita hæc transigitur, citò evanescunt. nihil est in hoc orbe terrarum quod sit perpetuum: Sola virtus thesaurus est homini constans, & peculium æternum. vitam hanc quam vivimus, si benè consideremus, brevem, dubiam, & inquietam, nomine vitæ non dignabimur, si à virtute remota sit. Prima pars ævi sese nescit; media curis obruitur; ultima molesta senectute premitur. Formæ gloria fluxa est, & fragilis. Gaudia non remanent, sed fugitiva volant. Divitiarû incerta est possessio: opes sunt sarcinæ mentis. Crescentem sequitur cura pecuniam. Robur morbis & senecta debilitatur. Pauperies obruit hominem probris & infamia. Rari amici, iique fucati & infideles. Vt sunt humana, nihil est perpetuum datum. Debemur morti nos nostraq;: Omnes una manet mors. At virtus est immortalis. Nunquam Stygias fertur ad undas incluta virtus. Benè vivere bis vivere est.

Semita, certè, tranquillæ per virtutem patet unica vitæ:

Sola perpetuò manent subiecta nulli mentis

atq; animi bona.

Iacobo

## XLVII.



Jacobo Santalbino Medico.

*SOLA VIRTUS EST FVNERIS EXPERS.*



**D**ivitias frustra jactant titulosque genusq;  
 Qui credunt se istis & sua nominibus.  
 His spes nixa labat mors hac rapit omnia secum.  
 De cunctis virtus sola superste. e. it.

O 4

MENS

## XLVIII.



## MENS INCONCVSSA MALIS.

Cum sapientia donum Dei sit; nosque à malarum cupiditatum impetu & violentia vindicet; ipsiusque fortunæ injuriam modeste ferre doceat, omnes nobis aperiat vias, quæ ad quietem & tranquillitatem animi ducant; ea nihil esse potest optabilius, nihil præstantius, aut homine magnanimo dignius. Cum perceptas penitus & pertractatas humanas res habere doceat, nihil admirari cum acciderit; nihil antequam evenit, non evenire posse arbitrari. Itaque Sapientis animus magnitudine consilii, tolerantia rerum humanarum, contemptione fortunæ, virtutibus omnibus septus, vinci aut expugnari non potest. Est enim Sapientis quicquid homini accidere possit, ad id præmeditari, & ferendum modicè, si evenit: nihil illi videri magnum in rebus humanis: cum semper animo sic excubet, ut ei nihil improvisum accidere possit, nihil inopinatum, nihil omnino novum. Atque idem ita in omnes partes aciem intendit; ut semper videat sedem sibi in cœlis, & locum sine molestia atque angore vivendi paratum: ut quemcunque in hac terrestri vita casum fortuna invexerit, hunc aptè & quietè ferat. Abstrahit enim nos ab his corruptibilibus, ut firma spe, & vera fide possideamus æterna, & iis fruamur.

Georgio



XLVIII.



Georgio Bertino Medico.

MENS INCONCVSSA MALIS.



**V**T pelagi mediis rupes in fluctibus extans  
 Aestum commoti fert bene firma sali,  
 Sic vita qui forti animo est ac mente, procellas,  
 Propositaq; etiam morte, pericla feret.

P

SPES




## SPES COELO CERTISSIMA VENIT.

**Q** Vicunq; in rebus humanis spem collocat, ille, uti dignus  
 est, sæpe fallitur: exitusque incertos suæque expectationi  
 contrarios experitur. Nihil firmum, nihil stabile est in hac vi-  
 ta. Refugium nostrum & præsidium in adversis tutius est, &  
 loco magis munito repositum, quàm ut ab eo abstrahi aut de-  
 jici possimus: nempe in cœlis, ad quos oculorum mentis acie  
 nos penetrare docet Sapientia divina: cujus providētia, & cu-  
 ra vigili ita septi sumus, ut cùm ea nitimur & inhæremus, nihil  
 nobis obesse possit. Nulla mœnia tam sunt munita, quin ma-  
 chinis & suffossionibus, aut, ut nihil horû, proditiōe capian-  
 tur. Securitas, quam ex Patris cœlestis recipimus promissis, tā-  
 ta est, ut spe ac fide inexpugnabili jam fruamur bonis adhuc  
 absentibus. Neque est quicquam, quod nos possit divellere  
 aut separare ab illa charitate, qua nos benignus Deus ample-  
 ctitur. In rebus humanis ita natura comparatum esse videmus,  
 ut nihil sit ex omni parte beatum, nihil perpetuû. Novit pau-  
 cos secunda quies: & ideo, quamcunque Deus tibi fortunaverit  
 horam, grata sume manu. ad immortalia & cœlestia con-  
 fugiendum, quæ incertis casibus subiecta  
 non sunt.

Fridrico

## XLIX.



Friderico Sylburgio.

SPES COELO CERTISSIMA VENIT .




Q Visquis in humanis rebus spem collocat, audet  
 Adriacos lacera scindere linte sinus.  
 Si qua tamen restat, nobis certissima caelo  
 Cernitur, a summis anchora missa Deis.

P 2

MORS



## L.




MORS EXTRA PERICVLVM NOS  
collocat.

**V**Ita hæc caduca & miserabilis, navigationi periculosa similis est : in qua fluctuamus naufragis plerunque miserius, palmum unum aut duos à morte remoti. Vita data est utenda homini. Optima. quæque dies miseris mortalibus ævi prima fugit: subeunt morbi, tristisque senectus; & labor & duræ rapit inclementia mortis. Longius aut propius mors sua quæque manet. Finis alterius mali, gradus est futuri. Omnium rerum est vicissitudo. Omnia orta occidunt; auctaque senescunt. Qui sapit homo se prius morti quàm vitæ parare debet; atque adeo putare extremum semper adesse diem. Hæc est hominis fors & conditio, ut quàm citò in lucem exeat, moriturus existat. Quis furor est atrâ bellis accersere mortem? imminet & tacito clam venit illa pede. Mors æquat summis infima, involvit humile pariter & celsum caput. Stat sua cuique dies; breve & irreparabile tempus omnibus est vitæ. Fata manent omnes. Nemo tam divos habuit faventes, crastinum ut possit sibi polliceri. Mors ultima linea rerum. vita & mors jure naturæ sunt. Et cùm natura nobis hanc vitam commorâdi diversorium non habitandi dedit: quæ cùm ærumnis & calamitatibus plena sit, mors calamitatum requies putanda est.

Petro

L.




Petro Gualterio Chabbotio.

MORS EXTRA PERICVLV NOS COLLOCAT.



**D**um iuvat hanc animam malè fide credere Puppi;  
Atque hinc Scylla minax, inde charybdis atrox:  
Nunquam erit absque metu ambiguo, immunisque periclis,  
Dum repetat patriam, sidera summa, domum.

## L I.



EXPERTS FORTVNÆ EST SA-  
pientia.

**F**ortunam antiqui coluere ut Deam; dominamque rerum  
vocarunt: cui attribuerunt ordinationem & dispensationem  
bonorum omnium, quæ ad hanc vitam pertinent. Nos,  
qui melius ex sacris literis instructi sumus, referimus omnia  
ad Dei altissimi providentiam, cujus arbitrio etiam levissima  
in hoc mundo geruntur. Fortunæ nomen non admittimus.  
Cum autem antiqui illam volubilem, inconstantem, & levem  
judicarent, bona quæ extrinseca sunt, illius potestati subjece-  
runt. Quæ cum facile pereant, effluant, & elabantur à possessorum  
manibus, tamq; dignis quàm indignis sine discrimine cõferan-  
tur, vir prudens & cordatus iis utitur ad necessitatē: neq; in iis  
ullam suæ felicitatis partē constituit, sicut stulti faciunt: Sed à  
Deo optimo maximo sapientiam poscit, thesaurum omni-  
bus precioso-rem; qui auferri neque eripi potest à possessore,  
summis etiam in afflictionibus constituto. His divitiis & bo-  
nis animi fultus, fortunam ridet & despicit. Sapientia enim  
est rerum divinarum atque humanarum scientia: in qua con-  
tinetur Dei & hominum communitas, & societas inter ipsos.  
Hac præceptrice in tranquillitate vivi potest, cupiditatum ar-  
dore restincto. Est enim vera sanitas animi; quæ  
unumquemque docet, ut seipsum  
agnoscat.

Rudolpho



LI.



Rudolpho Magistro Medico.

EXPERTS FORTVNÆ EST SAPIENTIA.




**F**ortuna dubia haud vehitur sapientia cymba;  
 Nec vanis fulta est indiga divitiis.  
 Sed cura vigili & studio solerte parata,  
 In varia rerum cognitione sedet.  
 F I N I S.









SPECIAL

85-B

13098



